

關中金石文字存逸考

關中金石文字存逸考卷九

揚州甘泉毛鳳枝撰

華陰縣下

唐

司封員外郎薛存等題名

正書  
元和四年九月

存

題字見金石萃編

今在華陰縣華嶽廟中題名爲薛存柳澗裴秩  
杜文舉韋殷王沂野客李口共七人 新唐書  
百官志尙書吏部司封員外郎一人從六品上

柳開等題名

正書

元和四年十月

未詳所在

張鄂題名

正書  
元和六年

未詳所在

鄭公幹題名

正書  
元和八年

未詳所在

鄭公幹之名又見元和十年五月協律郎李□

題名中

王高題名

正書  
元和八年

未詳所在

李紳題名

正書  
元和八年

未詳所在

右柳開等題名五種全文均未見寰宇訪碑錄

云在華陰縣華嶽廟中今均未詳所在矣

協律郎李□等題名

正書  
元和十年五月

存

題字見金石萃編

今在華陰縣華嶽廟中題名爲李□崔萐鄭公  
幹裴混陶洪蘇莊共六人

監察御史裏行裴□題名

正書

元和十二年閏五月

未詳所在

全文未見

華嶽志金石門有此目今未詳所在

韓常謁華嶽廟記

韓常撰韋泰正書  
元和十二年十月

未詳所在

全文未見

寰宇訪碑錄云在華陰縣華嶽廟中今未詳所  
在矣

容府題名殘字

正書

元和十四年正月十一日

存

方輿紀要云嶺南節度使治廣州開元中置亦作五府經畧使五府卽廣桂容邕安南五府也此題名容府卽五府之一新唐書方鎮表廣府謂之嶺南道桂府謂之桂管容府謂之容管邕府謂之邕管安南府謂之安南管亦稱管內皆置經畧使焉

李朝式題名

正書

元和十四年正月十一日

存

右題名二通同刻一石均在華陰縣華嶽廟中字已磨泐

判官張常慶題名

正書

元和十五年七月

存

新唐書百官志天下兵馬元帥節度觀察團練防禦等使均有判官一人

起居舍人賜緋魚袋王璠題名

正書

元和十五年十一月

存

自容府題名殘字至王璠題名題字均見金石萃編補遺

右題名二通同刻一石均在華陰縣華嶽廟中盧綸題名之右一爲張常慶一爲王璠共二人新唐書百官志中書省起居舍人二人從六品

上

鄭簡之題名

行書

長慶元年二月

未詳所在

全文未見

寰宇訪碑錄云在華陰縣華嶽廟中今未詳所

在矣

華陰縣令裴穎修嶽廟中門題記

張從本正書  
長慶元年

存

題字見金石萃編廟令張從本題六字作篆書

題名爲裴穎張從本共二人裴穎題名又見下

新唐書百官志五岳四瀆令各一人正九品上

掌祭祀有祝史三人齋郎各十三人此題名之

廟令卽此官也

華陰縣令裴穎等題名

正書  
無年月

存

題字見金石萃編題名爲裴穎薛仲歸黎煉高  
懿共四人

右題名二通均在華陰縣華嶽廟中

方參題名

正書

大和二年八月

未詳所在

題字見金石萃編

震宇訪碑錄云在華陰縣華嶽廟中今未詳所

在矣題名計一人

兵部侍郎李德裕題名

正書

大和三年八月

原石久逸



此係重模本

題名云銀青光祿大夫行尚書兵部侍郎李德裕大和三年八月十六日由浙西觀察使檢校禮部尚書兼御史大夫拜判官監察御史崔知白支使監察御史崔璿巡官協律郎王式

右題名八行自右而左李德裕崔知白王璿王式共四人原刻久佚儀徵阮文達公北湖祠塾重模華山碑刻此題名在碑額之左 新唐書百官志節度使有支使巡官各一人

隴西李播題名

正書

大和三年十一月

存

題字見金石萃編

今在華陰縣華嶽廟中焦贛題名之右計一人

京兆府功曹韋公式等題名

正書

大和四年上元日

存

題字見金石萃編

今在華陰縣華嶽廟中題名者爲韋公式裴虔

共二人

華州刺史李虞仲題名

正書

大和四年七月

存

題字見金石萃編

今在華陰縣華嶽廟中題名者爲李虞仲柳乘

共二人西安府學碑林懷素所書東陵聖母帖

上有大和四年大理評事柳乘題名與嶽廟題名之柳乘實一人也又關中金石記云此題名未有云判官事柳乘同來乘名又見懷素聖母帖後蓋以大理評事出判華州事也案此處考據未晰今以石本證之題字爲口南都團練判官口口口事柳乘同來所缺三字卽大理評三字乘蓋以大理評事而爲口南都團練判官唐時幕職多帶京銜且係清秩如員外郎監察御史之類大理評事亦其類也況唐代本無判州事之官乎鳳枝嘗以爲考證之書成於一人之

手者每多精確如宋歐陽公之集古錄

國朝楊賓之大瓢偶筆朱楓之雍州金石記錢竹汀  
先生之潛研堂金石跋尾考證詳明舛誤極少  
若關中金石記金石萃編成於眾人之手卽不  
免有舛誤之處以秉筆者不盡爲淹通之士也  
又復限以時日迫促而成所引之書不及覆校  
雖有紕繆無從而知及書成之後疵類畢現雖  
欲追改亦無及矣溫公通鑑二十年而成顧景  
范方輿紀要三十年而成討論既詳自免謬誤  
又古人云窮愁而後著書人處寂寞之鄉中無

所營外無所擾其精神始有獨至之處河間獻王之實事求是太史公之好學深思心知其意非窮愁之人不能專心如此也若衆人所成之書惟司馬溫公資治通鑑爲古今絕作雖係諸賢編集然劉貢父氏攷范純甫氏祖禹諸公各精一史皆有心得之處書成之後溫公加以總裁復撰考訂蓋不知幾經審定矣故其筆削之謹嚴體例之畫一如出一手無一懈筆編年之書至此歎觀止矣今之爲史學者喜讀綱目余嘗勸人讀通鑑則曰綱目易記其實通鑑敘事

右題名共六行自右而左計一人阮文達公北  
湖祠墜重模華山碑刻此題名於碑額之右

李貽孫題名

正書  
大和七年

未詳所在

全文未見

李貽孫題名又見大中三年十二月祈雪及大  
中五年七月題名各一通

尙書主客員外郎□□題名

行書  
開成元年

未詳所在

全文未見

新唐書百官志尙書禮部主客員外郎一人從  
六品上

縣令郝宗□題名

行書  
開成元年

未詳所在

全文未見

右李貽孫等題名三種寰宇訪碑錄云均在華陰縣華嶽廟中今未詳所在矣

□庚題名

正書  
開成二年九月

存

題字見金石萃編計一人

竇存辭等題名

正書  
開成三年四月

存

題字見金石萃編題名爲竇存辭馮耽共二人

御史中丞李景讓題名

正書  
開成四年六月

存

題字見金石萃編題名爲李景讓盧□季李映

劉灌李景裕盧黨鄭繁鄭穀共八人

司門郎中史館修撰陳商等題名

正書

會昌元年七月存

題字見金石萃編題名爲陳商鄧君蟠共二人  
題名之後又題云商題後六年自禮部侍郎出  
鎮口陝又與鄧支使同來十月口口商固重題  
者也武授堂億金石跋謂鄧支使卽鄧君蟠也  
韓昌黎集有荅陳商書新唐書藝文志陳商有  
集十七卷百官志尙書刑部司門郎中一人從  
五品上中書省所屬史館修撰四人以他官兼  
領



京兆尹崔郇題名

正書

會昌二年六月十六日

存

題字見金石萃編題名爲崔郇崔宏共二人

常侍□□祀嶽廟殘詩

正書

會昌二年六月二十六日

存

題詩見金石萃編詩係七律內惟質明三獻雖  
修禮祈 壽千年別上杯二語成句餘均殘缺  
矣壽字空一格蓋爲唐主祝釐之詞

又案此題詩字係左行會昌紀年之後有□西  
機宜都官強至題名一行關中金石記及華嶽  
志均謂強至卽題詩之人今以石本考之筆迹  
不類案文獻通考經籍考云強祠部有集四十

卷望江倪迂存氏模江上雲  
林閣書目作三十六卷也祠部名至字幾聖

餘杭人韓魏公客是強至爲北宋時人宜列入

宋人題名矣

殿中侍御史集賢殿直學士崔慎由等題名

正書  
會昌五

年二月

存

題字見金石萃編題名爲崔慎由李當崔安潛  
共三人新唐書百官志中書省集賢殿有學士  
有直學士五品以上爲學士六品以下爲直學  
士御史臺殿中侍御史九人從七品下

右口庚題名以下七種均在華陰縣華嶽廟中

李執方題名

正書

會昌六年四月

未詳所在

縣尉王季題名

行書

會昌六年六月關中金石記作口伏

未詳所在

王季題名

右李執方等題名二種全文均未見本在華陰

縣華嶽廟中今均未詳所在矣

右諫議大夫李口口題名

正書

大中元年三月

存

題字見金石萃編計一人

楊漢公題名殘石

正書

關中金石記作大中二年五月

存

今僅存楊漢公及五月共五字

李貽孫祈雪題名

正書

大中三年十二月

存

題字見金石萃編題名爲李貽孫及其子同吉  
靜復共三人貽孫嘗爲歐陽詹李觀文集作序  
蓋喜文好奇者也大中五年七月復有李貽孫  
及其子靜復題名一通

河東縣尉鄭復題名

入分書  
大中四年九月

存

題字見金石萃編題名爲鄭復鄭損鄭孚盧璣  
共四人

右李□□題名以下四種均在華陰縣華嶽廟  
中

劉□仁修廟題名

正書  
大中四年十月

未詳所在

題字見華嶽志

李蔭伯氏

榕

華嶽志金石門載此題名今未詳

所在矣

福建都團練觀察處置等使兼御史中丞李貽孫題

名

正書

大中五年七月

存

題字見金石萃編題名者爲李貽孫及其子意承文蔚靜復含昭共五人

今在華陰縣華嶽廟中

張權題名

正書

大中五年八月

未詳所在

全文未見

薛謬宋壽送座主尙書赴滑臺題名

正書

大中五年十月

未詳所在

全文未見

右二種關中金石記云在華陰縣華嶽廟中今均未詳所在矣唐李肇國史補曰進士稱有司謂之座主

監察御史于德晦題名

正書

大中六年三月

存

題字見金石萃編計一人

今在華陰縣華嶽廟中

崔瓘題名

正書

大中七年三月

未詳所在

崔彥昭題名

正書

大中十一年五月

未詳所在

右題名二種全文均未見寰宇訪碑錄云在華

陰縣華嶽廟中今均未詳所在矣

侍御史內供奉李植題名

正書

大中十一年十一月

存

題字見金石萃編計一人

今在華陰縣華嶽廟中

張瓘題名

正書

大中十一年

未詳所在

全文未見

寰宇訪碑錄云在華陰縣華嶽廟中今未詳所

在矣

左謙議大夫李蟻祈雪題名

正書

咸通元年十二月

存

題字見金石萃編計一人

溫璋題名

正書

咸通五年

未詳所在

全文未見

寰宇訪碑錄云在華陰縣華嶽廟中今未詳所在矣

鄭縣攝尉許環等題名

正書

咸通十一年十一月

未詳所在

題字見金石萃編題名爲許環字文珪薛殷圖

共三人



金石萃編云在華陰縣華嶽廟中方參題名之  
左今未詳所在

嚴□題名

正書

存

計一人

河南府參軍崔恭伯等題名

正書

存

題名爲崔恭伯韋□安邑尉□共三人新唐書  
百官志河南府參軍事六人正八品下

下邳縣丞李境等題名

正書

存

題名爲李境李賞李□共三人李境題名又見  
下

下邳縣丞李境等續題名

正書

存

題名爲李境李成允共二人

中丞李深題名

正書

存

計一人

右嚴口等題名以下共五種題字均見金石萃編補遺均在華陰縣華嶽廟中

華陰縣令裴賁等題名

正書

存

在華陰縣華嶽廟中唐精享昭應碑之右題名爲裴賁柳升霍晃共三人字似褚河南

蔣羅漢題名

正書

存

計一人

大理評事韓解題名

正書

存

計一人

夏陽縣尉成麟前趙王府司馬梁亘將軍阮易題名

正書

存

計三人趙王名係肅宗子見新唐書十一宗諸

子傳中

監軍判官內謁者張懷進題名

正書

存

計一人

許昌縣丞于賁押衙左金吾大將軍賜紫金魚袋高

□王嘉欽王嘉暉等題名

正書

存

共四人

進士鄭搏題名

正書

存

計一人

右蔣羅漢題名以下共六種題字均見金石萃

編補遺均在華陰縣華嶽廟中

趙宗儒等題名

正書

未詳所在

穆準等題名

正書

未詳所在

題字均見金石萃編題名一爲趙宗儒丁希詠  
李益共三人一爲穆準穆戒共二人

金石萃編云在華岳頌下右側今未詳所在矣

獨孤慈等題名

正書

未詳所在

寰宇訪碑錄有獨孤慈韋彪韋舒題名共三人  
今未詳所在矣

司空圖題裴晉公題名詩殘字

行書

存

題詩僅存二句見跋語中

關中金石記云在華陰縣華嶽廟中唐撫言云  
裴晉公赴敵淮西題名嶽廟之闕門大順中戶  
部侍郎司空圖以一絕紀之云岳前大隊赴淮  
西從此中原息戰鞞石闕莫教苔蘚上分明認

取晉公題今此詩只存首二句作岳前大旆討  
淮西則有二字異矣圖書世所罕見則此十四  
字尤可寶也 鳳枝案韓昌黎先生遺文載有  
華嶽題名一則云淮西宣慰處置使門下侍郎  
平章事裴度副使刑部侍郎兼御史大夫馬總  
行軍司馬太子右庶子兼御史中丞韓愈判官  
司勳員外郎兼侍御史李正封都官員外郎兼  
侍御史馮宿掌書記禮部員外郎兼侍御史李  
宗閔都知兵馬使左驍衛將軍威遠軍使兼御  
史大夫李文悅左廂都押衙兼都虞候左衛將

軍兼御史中丞密國公高承簡元和十一年八月丞相奉詔平淮右八日東過華陰禮於嶽廟總等八人實備將佐以從注云此文刻于金天祠石闕表聖所題殆指此也今題名已逸幸表聖之詩尙存二句耳 新唐書百官志門下侍郎二人正三品尙書刑部侍郎一人右春坊右庶子二人均正四品下吏部司勳員外郎二人刑部都官員外郎一人禮部禮部員外郎一人均從六品上節度使所屬有行軍司馬判官掌書記各一人押衙蓋軍將之屬百官志未載

歐陽公集古錄華嶽題名跋云華嶽題名自開元二十三年訖後唐清泰二年實二百一年題名者五百一人再題者又三十一人錄爲十卷往往當時知名士也或兄弟同遊或子孫并侍或僚屬將佐之咸在或山人處士之相攜或奉使奔命有行役之勞或窮高望遠極登臨之適其富貴貧賤歡樂憂悲非惟人事百端而亦世變多故開元二十三年歲在丙午是歲天子耕籍田肆大赦羣臣方頌太平請封禪蓋有唐極盛之時清泰二年歲在乙未廢帝篡立之明年



也是歲石敬瑭以太原反召契丹入自雁門廢  
帝自焚於洛陽而晉高祖入自太原五代極亂  
之時也始終二百年間或治或亂或盛或衰而  
往者來者先者後者雖窮達壽夭參差不齊而  
斯五百人者卒歸于共盡也其姓名歲月風霜  
剝裂亦或在或亡其存者有千仞之山石爾故  
特錄其題刻每撫卷慨然何異臨長川而歎逝  
者也其無歲月不可次第者別爲一卷

案集古錄云華嶽題名自唐開元二十三年訖  
後唐清泰二年實二百一年題名者五百一人

再題者三十一人是歐陽公所得最多自明時

地震後嶽廟碑碣遂多散佚王無異拓得九十

二人

王無異卽王宏撰一號山史

寰宇訪碑錄所收九十八

通

止于唐代人數無考

金石萃編所收七十二段

止于唐代著名

者二百零七人余所收者自開元二十四年李憺題名

至咸通元年李贇祈雪題名有紀年者共一百

六十二人鄭縣尉李憺

開元二十四年六月六日一人

朝請大

夫守別駕臨漳縣開國男蘇頌

開元二十六年八月廿七日一

人郊社丞蘇炎一主簿常冀尉元搆史子華刻

字

臣有史子華名故列開元之末共三人

饒州刺史顏真卿監察

御史王延昌大理評事攝監察御史穆甯評事

張澹華陰令劉暉主簿鄭鎮

乾元元年冬十月戊申共六人

陰縣令王宥前令王紆丞王沐尉李齊佺尉

頌鄭縣主簿張彬尉竇或下邳縣丞李演尉邢

涉處士王季友張彪著作郎孟昌原京兆府法

曹參軍李樞

上元元年冬十有二月十一日共十三人附鄭珣一人

陳鄭

澤潞等州節度行軍司馬兼殿中侍御史邱據

寶應二年六月八日一人

前藍田縣尉劉士深前奉天縣尉

劉士深京兆府倉曹參軍李迪前告成縣丞李

逖商州豐陽縣尉李迺下邳縣尉李遠

廣德元年三月

共六人 銀青光祿大夫守太常卿使持節延州都

督侍御史上柱國岐陽縣開國男韋勝與□□

□□□琇之同謁廣德二年二月七日共二人朝議郎行太

子司議郎兼華陰縣令李仲昌行丞田遊業行

丞同正韋潯行主簿韋浣行尉崔頰行尉王卓

行尉蘇淮陽廣德□年三月共七人朝散郎行下邳縣丞

孫廣試衛尉少卿田遇廣德二年六月十三日共二人前大理

司直焦鏊緱氏縣令焦琳華州司倉參軍焦賁

永泰元年禮部尚書饒州刺史裴士淹人□州

春共三人 司馬蘇敦弟華陰縣令發咸陽主簿敦前華原

縣丞徹太常寺主簿徹吏部常選三 皦少府監主

簿教弟儼

時年十一 大曆五年夏六月六日共八人

前華州參軍

陸漸前王屋縣令陸永前同官主簿陸涓將仕

郎守閩鄉縣尉盧綸前國子進士趙鄴

大曆六年二月

二日共五人

前開州刺史崔微男漑前緱氏縣令康

洽前鄉貢進士侯季文

大曆七年三月二十日共四人

醴泉縣

令韋憑

大曆七年十月二十八日一人

尚書虞部員外郎兼郎

中侍御史元澄大理評事盧恆華陰縣丞裴言

則

大曆八年十二月三日共三人

陽武縣令韋浣

大曆九年四月二十二日

一平陸主簿杜錫芮城主簿杜梅

建四三月三日紀年疑

有缺字 前鳳翔府參軍李謀前長安縣主簿李

融大曆九年十月十三日共二人侍御史上官沼大曆十三年七月二十九日

日一 銀青光祿大夫守兵部尚書博陵郡開國

公崔漢衡華陰縣令盧倣興元元年十二月二十三日共二人檢

校水部員外郎崔穎華陰縣令韋綬華州司功

參軍鄭齊暉貞元元年二月六日共三人前萬年縣尉裴堪

前華陰縣丞盧佩懷州河內縣丞盧渚鄭驍進

士裴諫裴誣參軍裴潏貞元九年七月二十五日共七人將口

口郎守尉鄭全濟字巨舟口口縣李端士口口

縣尉鄭暉貞元十三年三月二十四日共三人甯遠將軍守左金

吾衛口口軍試太常卿尉旻

元和元年正月華三十日一人

州司士參軍郭豐華陰縣丞李泮華陰縣主簿

姚鵬舉華陰縣尉韓晤華陰縣尉苒華華陰縣

尉崔杙門下典儀李誠明

元和元年七月十日共七人司勳

員外郎薛存華陰縣令柳澗華陰縣主簿裴秩

華陰縣尉杜文舉前鄭縣丞韋殷前華陰縣尉

王沂野客李口

元和四年九月十九日共七人太常寺協律郎

李口華陰縣令崔旣華陰縣尉鄭公幹華陰縣

尉裴混華陰縣尉陶洪進士蘇庄

元和十年五月十二日共

六判官張常慶

元和十五年七月七日一人

起居舍人賜緋

魚袋王璠

元和十五年十一月二十六日一人

朝散大夫行華陰

縣令上柱國裴穎句當再修中門屋至五十二

日功畢廟令張從常題

長慶元○日○日○日共二人

朝散大

夫行華陰縣令上柱國裴穎華陰縣丞薛仲歸

華陰縣主簿黎煉華陰縣尉高懿

共四人

隴西李

播

大和三年十一月十五日一人

京兆府功曹前祕書郎韋公

式外甥鄭縣尉攝華陰縣主簿裴虔

大和四年上元日共

二人正議大夫使持節華州諸軍事守華州刺史

口御史中丞充潼關口口國軍等使上柱國贊

皇縣開國男食邑三口口口口金魚袋李虞仲



□都團練判官□□□事柳乘

大和四年七月共二人

□

庚題名

開成二年九月一人

□縣主簿竇存辭鄉貢進士

馮耽

開成三年四月共二人

□□□史兼御史中丞李景

讓監察御史襄行盧□季前右龍武軍錄事參

□李映□士劉灌□士李景裕□□盧黨□士

鄭繁□士鄭毅

開成四年六月十九日共八人

司門郎中史館

修撰陳商盧溪處士鄧君蟠

會昌元年七月又續題云商題後六

年自禮部侍郎出鎮□陝又與鄧支使同來十月□□鄧支使卽鄧君蟠也共二人正議

大夫守京兆尹賜紫金魚袋崔郇華州華陰縣

令崔宏

會昌二年六月十六日共二人

殿中侍御史集賢殿直

學士崔慎由右補闕李當鄉貢進士崔安潛

會昌

五年二月入右諫議大夫李口口

大中元年三月一人楊

漢公大中二年左諫議太夫充宏文館學士判

館事賜紫金魚袋李貽孫奉制祈雪小男進士

同吉學究靜復同行

大中三年十一月共三人河東縣尉鄭

復臨晉縣令鄭損隴州參軍鄭孚鄉貢進士盧

璫

大中四年九月五日共四人

福建都團練處置等使兼御

史中丞李貽孫口鎮將男意承文蔚靜復含昭

大中五年七月二日監察御史于德晦口州鎮國

十七日共四人

軍判官試大理評事口口

大中六年三月二日共二人侍

御史內供奉李植

大中十一年十一月十一日

左諫議大夫賜

緋魚袋李贛奉恩命祈雪

咸通元年十二月二十九日以

上自開元二十四年至咸通元年題名有紀年

者共一百六十二人 無年號者推官劉繼元

韓朝

共二人

監察御史襄行嚴

口一人

河南府參軍

崔恭伯華州參軍韋口安邑縣尉

口共三人下邳

縣丞李境進士李賞進士李口

共三人

下邳縣丞

李境左千牛李成允

共二人

中丞李深

行華陰縣令裴賁丞柳升主簿霍晃

共三人

蔣羅

漢一大理評事韓解

一人夏陽縣尉成麟前趙王

府司馬梁巨將軍阮易

共三人

監軍判官內謁者

張懷進

一人

許昌縣丞于賁押衙左金吾大將軍

賜紫金魚袋高口王嘉欽王景暉

共四人

進士鄭

搏

一人以上共二十六人 其有官銜而無姓名

者則有正議大夫太僕少卿兼太州別駕

一人潼

關節度都虞候節度副使元從鎮國大將軍左

金吾衛大將軍銀青光祿大夫殿中監

一人口軍

兼同華兩州節口卿使持節華州諸口丞上柱

國汧國公

計一人金石諸書謂此爲李懷讓題名焉

容府題名殘字

一常侍謁嶽廟殘詩

一人以上共五人 其因文

字而附見題名者左輔頓寮刻石記則有左馮

翊太守魯□□句掾盧奕功曹揚日休馮翊宰

前御史薛嶽尉裴季通苗元震朝邑尉劉遵素

澄城尉邵潤之河西尉權倕韓城縣主簿杜釋

韓城縣丞李從一開元二十四年共十一人告華嶽府君文

則有右補闕韓賞諸王侍書榮王府司馬韓擇

木天寶元年四月十日共二人祈雨記則有朝散大夫使持

節華州諸軍事檢校華州刺史平原郡開國公

賜紫金魚袋張惟一華陰縣令劉鬻丞□岫員

外置同正員李緩主簿鄭鎮尉王禁尉高佩尉

崔季陽前金州刺史李權

乾元二年二月十日共九人

華陰

令盧朝徹謁嶽廟文

大曆九年三月一人

賈竦謁華嶽廟

詩附竦姪宣義郎行華州參軍賈琚題名

元和

十月賈琚題名在大和六年四月共二人

司空圖題裴晉公題名石

闕詩

以上共二十六人

其題名原石久逸

見於重模本者阮文達公模刻華山碑額題名

兵部侍郎李德裕判官監察御史崔知白支使

監察御史崔璿巡官協律郎王式

大和三年八月共四人

劔南西川節度使李德裕判官殿中侍御史崔

知白觀察支使兼監察御史張嗣慶江西都團

練判官監察御史襄行李商卿

大和四年十月  
一月共四人華

陰縣令裴胥

一人以上共九人

其見於昌黎文

集者則有淮西宣慰使門下侍郎平章事裴度

副使馬總行軍司馬韓愈判官李正封馮宿掌

書記李宗閔都知兵馬使李文悅左廂都押衙

兼都虞候高承簡

元和十一年  
八月共八人

以上共八人

其見於金石諸書未見拓本者金石萃編則有

鄭虔題名

開元二十三年一人金石萃編謂主  
簿元冀尉常攜史子華所刻八分書

題名卽鄭虔題

名未知其審焉

行令韋公右行丞同正韋瀚行

尉李貺行尉劉口稭校書郎盧舒

共五人

前相

國京兆第五公

卽第五琦

關內河東副元帥判官禮

部郎中兼侍御史虞當司勳郎中兼侍御史李

國清倉部員外兼侍御史張曇大理正兼監察

御史王翺右衛錄事參軍第五準

大曆五年六月四日共六

人

新唐書百官志大理寺正二人從五品下

華州刺史兼御

殿中

侍御史庾

缺

監察御史李巨

缺

太華三峯野客

缺

新安尉盧

缺

監採藥使翰林

缺

監軍判官尹

懷

缺

監軍判官劉

缺

太華山人段藩

口

缺押衙

左金吾衛大

缺

大曆六年乙亥共九人萃華編云大曆六年係辛亥非乙亥

嶽志則有江陵少尹郭仲堅大理寺丞劉承構



永樂縣尉徐瑄華陰主簿徐瑒大曆七年正月二十二日共四

人關中金石記 賓宇訪碑錄則有孟簡題名元

作郎仲堅題名 柳開題名元和四年 張鄩題名元和六年

元年二月一人 鄭公幹等題名元和八年知 王高題名元和八年

李紳題名元和八年 華嶽志又有監察御史襄行

裴口題名元和十二年 賓宇訪碑錄又有韓常

謁嶽廟記韓常撰章泰書元和 鄭簡之題名長

元年二月一人 金石萃編又有守左驍衛倉曹參軍方

參等題名大和二年八月 賓宇訪碑錄又有李

貽孫題名大和七年 尙書主客員外郎口口題名

開成元年縣令郝宗口題名開成三年一人李執方等題

名會昌六年知華嶽志又有縣尉王季題名會昌

六年六月一人關中金劉口仁修廟題名大中

石記作口伏王季題名大中薛諤宋壽送座主赴滑臺

題名大中五年知崔瓘題名大中七年崔彥昭題

名大中十一年張瓘題名一作張權大中寰宇訪

碑錄又有溫璋題名咸通五年一人金石萃編又有鄭

縣丞攝尉許環宇文珪華陰縣尉薛殷圖咸通

年共三人宏文館校書趙宗儒義陽府果毅丁希詠

前鄭縣主簿李益共三人前潞府參軍穆準懷州

獲嘉縣尉穆戒

共二人

寰宇訪碑錄又有獨孤懸

韋彪韋舒

共三人

金石文字記云王無異所拓有

李商隱題名

一寶刻類編所載有羅讓題名二

一元和二一年一大中二年陳商題名元和三年

王播題名無年月高元裕題名大中元年張彥

遠題名咸通九年關中金石記五代題名後唐

有楊凝式張希崇二人後周有樂安公內供奉

□□二人以上共七十一人

右華嶽廟題名拓本有紀年者一百六十二人

無年號者二十六人有官銜而無姓名者五人

因文字而附見題名者二十六人題名原石久  
逸見干模本者九人見於韓昌黎文集者八人  
見於金石諸書未見拓本者七十一人共三百  
零七人較之歐陽公五百一人之數已少一百  
九十四人又三百零七人中除去重題者六人  
三題者六人是三百零七人實得二百九十五  
人蓋歲月浸久所失浸多余故備錄其名俾不  
致湮沒不彰也凡題名殘石均嵌華嶽廟東廡  
壁中土人呼爲碑洞咸豐丁巳暨庚申余兩謁  
嶽祠瞻廟宇之壯麗觀唐賢之遺迹蓋低徊不

能去云至題名之字雖妍媸不同工拙各異惟不甚經意之作轉覺真趣洋溢輒令人把翫不置也

華陰縣

補遺

北魏

大代修華嶽廟碑

興光二年二月甲午立

逸

全文備錄

夫華嶽者在西之宗鎮正基周秦之墟仰蔭星井之曜協金德以主生含素靈而養物其狀也則削成萬仞秀出雲漢芝草植于其庭醴泉流

于其下連帶岡阜跨抱原野谷之所潤則土爲  
神區膏雨所降則澤沾萬里斯乃風雲之所宮  
府物類之所歸藏盡精靈之至極窮山嶽之壯  
麗是以神明居其宅遊仙萃其宇往世以來莫  
不崇之故配天之義載在虞書秩宗之禮列于

祭典大代應期

華嶽志誤作大唐  
今據集古錄改

承天受命紹

重基於萬世闡皇風於五葉敬神炳靈祈之以  
信而神降之福眾祥並應致治太平災害不作

自非誠之所感孰能臻此興光元年

華嶽志誤  
作開成今

據集古  
錄改

九月戊戌遣元舅侍中太宰征東大將

軍遼西王遼西常英冠軍將軍禮曹尙書河內  
公河內荀尙立節將軍安定侯直勤尼須薦以  
三特建立殿貌造作碑闕庶使明神安其居夫  
有一善之行尙稱之於時立一惠於物尙咏之  
於世況至公佩之于兩儀仁澤濟之於生民稽  
之於義容可已乎遂命史臣爲之頌曰奕奕西  
嶽實曰華山基洞水府峻極于天跨原抱阜包  
谷懷川幽壑澄潤虛岫揚煙峭嶠空籠茂林重  
邃吐納風雲殖生萬類體靜兼仁惠有攸利神  
明是居遊仙是底巖以崇宗谷以虛受則天之

高擬地之厚潤澤無窮體實長久功佩兩儀德均徽猷朝咨上宰建茲靈宇正以準繩參以規矩材用不愆顯章有序庶幾神居永甯其所

此文見華嶽志題爲唐開成元年脩廟碑李商隱撰余讀之似南北朝人手筆碑中官銜非唐制唐外戚無常姓李義山文集中亦不載此文且與義山文絕不類因未得確證蓄疑數日後閱北魏書外戚閭毗傳附載云高宗以乳母常氏有保護功既卽位尊爲保太后後尊爲皇太后興光二年太后兄英字世華自肥如令超爲



散騎常侍鎮軍大將軍賜爵遼西公太安初英  
爲侍中征東大將軍太宰進爵爲王以官爵證  
之卽此碑之常英矣蓋官銜旣與碑合而英又  
係太后之兄故碑中有元舅之稱也集古錄亦

載此碑跋云按魏書文成帝

廟號高宗

興光三年三

月己亥改元爲太安故魏書興光無二年而此  
碑云興光二年三月甲午立者蓋立碑後六日  
始改元也其曰闡皇風於五葉者自道武明元  
太武至於文成纔四世爾太武之弑南安王余  
立不踰年亦被弑不得成君而景穆太子文成

父也追尊爲帝立廟稱宗故以爲世也魏自道  
武天興元年議定國號羣臣欲稱代而道武不  
許乃仍稱魏自是之後無改國稱代之事今魏

碑數數有之

鳳枝案宕昌公暉福寺碑太和十  
二年立稱大代司馬景和妻墓誌

延昌三年刻稱魏代皆在天興之後鳳  
陽公所謂今魏碑數數有之卽此類也碑石當

時所刻不應妄但史失其事爾由是言之史家  
闕繆可勝道哉然余於史家非長故書之以俟  
博雅君子鳳枝考之於北魏書證之以集古錄  
此碑爲北魏時立無疑矣又案華嶽志金石門  
載此碑目錄未誤所錄碑文則誤爲唐碑且云

李商隱撰考王無異曾拓嶽廟李商隱題名疑  
商隱題名本刻此碑之上後人因以傳譌耳又  
有大代華嶽廟碑劉元明書太延五年五月立  
見寶刻類編又係一碑與此碑別 又碑云興  
光元年九月戊戌遣元舅侍中等云云案北魏  
書禮志文成皇帝卽位三年正月遣有司詣華  
岳修廟立碑數十人在山上聞虛中若稱萬歲  
當卽指常英等修廟立碑事也蓋文成帝卽位  
之三年卽興光元年也惟碑作九月志作正月  
爲不同耳又文成紀云太安元年冬十月庚午

以遼西公常英爲太宰進爵爲王考之于碑英  
于興光元年赴華嶽立碑已有太宰遼西王之  
稱則其進爵當在太安之前疑史誤也其立碑  
稱二年三月甲午者蓋修廟之役創始于興光  
元年而立碑之役則訖功于興光二年三月甲  
午也又北魏書文成皇帝紀太安元年夏六月  
壬戌改元歐陽公以爲三月己亥改元者因是  
年三月己亥詔書與改元年月連屬而書偶未  
及檢耳

案李蔭伯氏格所撰華嶽志金石一門引證甚

爲詳密獨此碑譌舛特甚蓋由沿襲前人之誤而于歷代文章流別未能分晰皆由考證未精故也余則以爲考證之學但有依據雖千載以前之疑事皆可考覈而明孔子曰夏禮吾能言之杞不足徵也殷禮吾能言之宋不足徵也文獻不足故也足則吾能徵之矣子貢曰文武之道未墜于地在人賢者識其大者不賢者識其小者莫不有文武之道焉孟子曰天之高也星辰之遠也苟求其故千歲之日至可坐而致也又曰諸侯惡其害己也而皆去其籍但使文獻

足徵小大有識有故事可稽不難互證參觀辨  
其舛誤所慮者諸侯去其籍耳此碑幸賴北魏  
書數行故能證其譌誤亦由文獻足徵也吾人  
讀書固不可妄議前人然確有可疑亦不可隨  
聲附和惟期實事求是而已吁此司馬溫公通  
鑑考異之作所以卓絕千古也

蒲城縣

十六國苻秦

鄧太尉祠碑

入分書  
建元三年六月

存

全文備錄

大秦苻氏建元三年歲在丁卯馮翊護軍將軍  
建威將軍奉車都尉城安縣侯華山鄭口口字  
宏道望出鎮南參軍水衡都尉石安令治書侍  
御史南軍督都水使者被除右護軍甘露四年  
十二月二十五日到官以北接元朔給兵三百  
人軍府口屬一百五十人統和甯戎鄜城洛川  
定陽五郡領屠各上郡夫施黑山白口高涼西  
羌盧水白虜支胡粟特苦水襍戶七千夷獯十  
二種兼統夏陽口在職六載進無異才履性忠  
孝事上恪勤夙夜匪口以太尉鄧公祠張馮翊

所造歲久頽朽因舊修飭故記之以其年六月  
左降爲尙書庫部郎護軍司馬奉車都尉關內  
侯始平解虔字臣文聖世水衡令蒲子北掘令  
安遠將軍司馬都水參司被除爲司馬以後係  
將佐題  
名

寰宇訪碑錄云今在蒲城縣潛研堂金石文跋  
尾云吾友吳山夫玉搢撰金石存列此碑于曹

魏之世蓋未見全文但以甘露紀年意之不知  
其爲苻秦之甘露非曹魏甘露也鳳枝案此碑

鄭君之名已闕其字宏道二字尙存竹汀先生



跋中稱鄭君名爲鄭能進以石本諦視之能字  
尙隱隱可辨進字則模糊矣碑中夷頽之頽卽  
貊

鄧太尉者魏將鄧艾也曩見蒲城縣一公牘文  
字禮房承行內有一單云鄧太尉祠碑在縣東  
北七十里後閱陝西通志云蒲城縣東北七十  
里有鄧太尉墓通志謂鄧艾不應葬蒲城歸入  
疑冢門今以蒲城公牘證之通志所謂鄧太尉  
墓卽鄧太尉祠也然則此碑正在蒲城縣東北  
七十里矣余嘗謂修志之舉以採訪爲第一要

義通志以鄧太尉祠爲鄧太尉墓蓋由採訪未  
確之誤幸修通志時秉筆者詳于史事歸入存  
疑庶免襲謬沿譌也

北周

聖母寺四面像銘

正書

保定四年九月

存

全文見金石萃編

關中金石記云在蒲城縣東北鄉二十里潛研  
堂金石文跋尾云右造像記所列像主邑子複  
姓昨和者十有七人屈男者十人罔井者六人  
荔非三人同瑞二人彌姐鉗耳薄地各一人

鳳枝

家鄭樵通志姓氏畧闕西復姓有昨和氏王伯  
厚姓氏急就篇荔非羌姓唐有荔非元禮同蹄  
羌姓唐有同蹄智壽彌姐一作彌且後秦有冠  
軍將軍彌且菱獨彌且卽彌姐也鉗耳羌姓隋  
有鉗耳文徹  
卽卽罕字 或作罕鳳枝案卽卽罕  
見集古錄中  
趙充國傳先零罕開師古曰罕開羌之別種也  
此下言開豪雖庫罕開之屬又云河南大開小  
開則罕羌開羌姓族殊矣開音口堅反而地理  
志天水有罕開縣蓋以此二種羌來降處之此  
地因以名縣也而今之羌姓有罕開者總是罕  
開之類合而言之曰爲姓耳變開爲井字之譌  
也由是以觀此碑卽井二字卽罕開二字之變  
體書也方輿紀要云漢天水郡罕開縣城在今  
陝西秦州南一云漢罕開縣城在今甘肅隆德  
縣莊浪縣丞治所東南是當在秦安縣東北矣  
又陝西通志蒲城縣北四十里  
有罕井舖卽以罕井而得名焉  
以廣韻考之昨  
和屈男罕井荔非同蹄彌姐皆羌姓廣韻蹄從

足旁而此刻與唐安天王碑陰并從王旁譯語

無定字也

鳳枝案唐永清元年美原縣頻陽府校尉同瑞武幹造像記瑞字亦從王

雷賞二族尤多廣韻賞姓不言所自而引姚弋

仲將賞耐虎爲證弋仲羌之大族則賞亦爲羌

姓無疑他書或作党則賞之省耳

鳳枝案姓氏急就篇云党

音黨賞音下浪反讀強去聲党賞二姓非一姓也弋仲將賞耐虎與唐之賞金毗皆爲名將

鳳枝案近時金石詔書以嘉定錢竹汀先生潛

研堂金石文跋尾最爲精確蓋先生胸羅全史

而於歷代制度典章以及稗官小說無不流覽

故也卽如此碑昨和諸姓皆僻姓先生則元元

本本殫見洽聞非博極羣書曷克臻此余既錄其跋語復附管見於下俾覽者一目了然也又此碑題名有邑子輔國將軍中散金曹從事郡主簿地連敦此人官郡主簿姓地連名敦地連亦係雙姓先生以簿字與地字連讀因誤以簿地爲姓宜正之

簿石本作簿古字通

隋

洪州總管安平安公蘇慈墓誌銘

正書

仁壽三年三月存

全文見古誌石華續編

誌畧云公諱慈字孝慈其先扶風人也祖樹仁

魏黑城鎮主父武西魏驃騎大將軍開府儀同  
三司充雲二州刺史平遙郡開國公贈綬銀延  
三州刺史公後魏初起家右侍中士三年加曠  
野將軍周明革運授中侍上士天和二年授右  
侍上士四年授都督充使聘齊五年治大都督  
領前侍兵六年授正大都督仍領前侍兵其年  
重出聘齊還授宣納上士七年授左勳衛都上  
士建德元年授夏官府都上士治中義都上士  
四年授使持節車騎大將軍儀同三司大都督  
領胥附禁兵其年改領左侍伯禁兵五年周武

帝問罪漳鄴僞徒平殄齊相高阿那肱已下朝士數百人公受詔慰納并率所領影援高隆之兵還授開府儀同大將軍封瀛州文安縣開國公食邑一千五百戶宣政元年授前侍伯中大夫其年授右侍伯中大夫其年周宣帝授右少司衛中大夫大象元年授司衛上大夫周靖授工部中大夫開皇元年詔授太府卿其年改封澤州安平郡開國公尋轉司農卿二年詔授兵部尚書其年兼授太子右衛率四年詔知漕渠總副監事其年兼右庶子尋改授太子左衛率

八年判工部尙書其年又判民部刑部尙書事  
十二年授工部尙書其年授大將軍衛率封如  
故十八年以君王官積歲承明倦謁出內之宜  
刺舉僉允授泚州諸軍事泚州刺史大將軍封  
如故仁壽元年遷授使持節總管洪吉江虔饒  
袁撫七州諸軍事洪州刺史時桂部侵擾交川  
擁據詔授公交州道行軍總管方宏九伐遠紮  
千里遭疾薨于州治春秋六十有四粵以三年  
歲次癸亥三月癸卯朔七日己酉歸葬于同州  
蓮步縣崇德鄉樂邑里之山諡曰安公禮也世



子會昌等云云

此誌于光緒戊子年出陝西蒲城縣案北史隋書蘇孝慈皆有傳傳以字行未載其名閱閱官封隋書多與誌合亦間有異同者如隋書云慈封文安縣公食邑千五百戶尋改封臨水縣公增邑千二百戶臨水縣公誌中未載又隋書云慈在周朝官工部上大夫誌作中大夫慈云慈于開皇八年判工部民部刑部尙書事隋書但云工部民部而無刑部誌云慈父武西魏兖雲二州刺史北史則云慈父武周兖州刺史隋書

則云慈父武周周兗州刺史誌云慈于後魏初  
起家右侍中士隋書則云慈于周初爲中侍上  
士此皆誌與史異者其餘官秩誌中所載較史  
加詳焉史言慈爲太子左衛率文帝將廢太子  
勇憚慈在東宮出爲浙州刺史誌中浙慈于當  
時蓋骨鯁方正之臣故爲文帝所憚而誌則云  
王官積歲承明倦謁授浙州刺史不言廢太子  
事蓋爲當時諱也蓮芡之芡當作芍本作漢書  
地理志蓮勺縣屬左馮翊師古曰蓮勺讀曰輦  
酌如漙曰蓮勺城南有鹵池縱廣十餘里鄉人

名曰鹵中漢宣帝徵時困于鹵中是也

鹵中卽今之鹵

泊

案隋時蓮勺縣本屬同州馮翊郡地理志云

大業初併入下邳此誌刻于仁壽時故有蓮勺

之名也

方輿紀要云蓮勺故城在渭南縣北七十里下邳故城在渭南縣北五十里

至此誌楷法精健絕倫實爲佳刻蓋隋人楷法

集魏齊之大成開歐虞之先路其沈著痛快處

有唐人所不能到者歐陽公集古錄每跋隋碑

歎賞不置有以也魏書官氏志舊制沿邊皆

置鎮都大將統兵備禦誌言慈祖樹仁爲黑城

鎮主鎮主亦鎮將之屬也西魏書百官考云驃

騎大將軍開府儀同三司皆九命右侍中士屬  
天官正二命曠野將軍正一命都督七命大都  
督八命車騎大將軍儀同三司九命周建德四  
年改爲儀同大將軍工部中大夫與計部等中  
大夫皆正五命品以數少爲尊  
命以數多爲貴又北周書宇文  
神舉傳有中侍上士宇文貴傳有右侍上士柳  
慶傳有宣納上士尉遲運傳有右侍伯竇熾傳  
有右司衛上大夫隋書令狐熙傳有夏官府都  
上士亦北周所置官惟正大都督動衛都上士  
前侍伯中大夫右少司衛中大夫則未載耳又

隋書百官志太府司農卿兵部工部尚書皆正  
三品開國郡縣公從一品太子左右衛率第三  
品太子右庶子從四品大將軍正三品上州刺  
史正三品中州從三品下州正四品又百官志  
開皇三年四月詔尚書左僕射判吏禮兵三尚

書事尚書右僕射判都官

部 卽刑部

度支

卽戶部後改稱民部

工部三尚書事僕射爲六曹尚書之長始得判  
部事慈以工部尚書兼僕射之任乃異數也又  
百官志云煬帝改戶部爲人部卽民部唐諱  
民故曰人此  
誌刻于仁壽千年已有民部之稱改戶爲民不

自煬帝始矣誌云慈于周武平齊時嘗率所領影援高隆之兵此事史中未載書以俟考

唐

雲麾將軍李思訓碑

李邕撰并行書開元八年六月

存

全文見金石萃編

雍州金石記云在蒲城縣西北二十五里橋陵下陝西通志云橋陵在蒲城縣西北三十里豐

山一名蘇愚山

涼國長公主神道碑

蘇頌撰元宗御書八分書開元十二年十一月

存

全文見金石萃編公主睿宗第六女

鄔國長公主碑

張說撰元宗御書入分書  
開元十三年四月

存

全文見金石萃編公主睿宗第八女

右二種關中金石記云均在蒲城縣橋陵

金仙長公主碑

徐嶠之撰元宗御書行書  
開元□□□年

存

全文見金石萃編公主睿宗第九女

關中金石記云在蒲城縣橋陵雍州金石記云

在蒲城縣北二十里賈堡

代國長公主碑

鄭萬鈞撰男聰行書  
開元二十二年十二月

存

全文見金石萃編公主睿宗第五女

關中金石記云在蒲城縣橋陵

右涼國郎國公主碑文詞皆極富麗所謂燕許大手筆也涼國碑見文苑英華郎國碑見文苑英華及唐文粹尙能十得八九代國公主碑銘詞亦可讀云

內侍監高力士殘碑

行書

大曆十二年五月

存

全文見金石萃編

關中金石記云在蒲城縣 宋敏求長安志云

唐元宗泰陵在蒲城縣東北三十里金粟山懷仁鄉敬母村陪葬一高力士 新唐書百官志內侍省監二人從三品



奉先縣懷仁鄉敬母村經幢

郭謂正書  
貞元五年

存

此幢今在蒲城縣規模雄偉題銜有扈從游擊  
將軍守金吾衛翊府中郎上柱國昨和高口竹  
馬府果毅楊崇綱秦陵副使張果報右驍衛中  
候上柱國吳國清國子監學生上柱國子司璘  
其餘題名尚多皆鄉農村嫗及僧尼也寰宇訪  
碑錄云此幢在乾州案此幢題爲奉先縣唐奉  
先在今蒲城若乾州乃唐之奉天非奉先也唐  
奉先縣開元四年屬京兆府天祐三年屬同州  
馮翊郡係睿宗陵邑奉天縣屬京兆府係高宗

陵邑均見新唐書地理志

方輿紀要云唐奉先城距今蒲城縣治三十

十里奉天廢縣在乾州治東

新唐書地理志竹馬府屬太

原郡又隴州有開川府卽此幢之閣川府矣宜從石刻爲正百官志國子監博士五人正五品上掌教三品以上及國公子孫從二品以上曾孫爲生者有學生八十人此幢之司馬璘題爲國子監學生上柱國子者上柱國視正二品璘父曾爲上柱國故其子璘得爲國子監學生也今 恩蔭一子入監讀書卽其遺制

乾州

唐

心經

正書  
永隆二年二月強三娘造

未詳所在

隋唐石刻拾遺云在乾州中巨寺道光己酉歲

先大夫權乾州篆

鳳枝

隨侍於州署土地祠訪

得此石其陽爲造像其陰刻心經小楷極秀逸

拓得數十紙藏於篋笥兼貽同好至今三十餘

年矣光緒中卽墨周楙臣刺史權州篆補修志

乘

鳳枝

告以此石可補入金石志中據云已不

知所在而刺史所得令長新誠又前人所未見

然則金石刻隱見不常惟載之傳記可以經久

則鳳枝是書之作其可已乎

乾陵述聖記

武后撰中宗正書  
文明元年八月

存

全文見金石萃編

今在乾州乾陵道光己酉歲

鳳枝

隨官乾陽遊

乾陵曾見此石已數段錯列田壠中石如方柱  
縱橫厚五尺許歷久不壞惟風雨飄激字多剝  
蝕耳曾拓數紙藏於篋笥陵前又有無字碑一  
極雄偉多宋元人題名唐人則未刻一字也

令長新誠

王良輔正書  
開元二十四年二月

存

全文備錄

御製 令長新誠

我求令長保乂下人人之不安必有所因侵漁  
浸廣賦役不均使夫離散莫保其身徵諸善理  
寄爾良臣與之革故政在維新調風變俗背僞  
歸真教先爲富惠恤于貧無小無大以躬以親  
青旌勸農其惟在勤墨綬行令孰不攸遵曷云  
被之我澤如春

敕旨中書門下奏聖恩以令長新誠賜新除縣  
令等特垂光寵載深誠勤卽合人有一本奉以  
周旋不有嚴飾誠恐躓慢望令集賢院簡好手

寫一百六十三本仍令吏部連牒各賜一本仍望頒視天下縣令者宜依開元二十四年二月七日承議郎行丞王良輔書朝議郎上柱國令李知止

大堂東北隅敗壁頽然嵌有古石刻向無知之者光緒甲申方有事州乘循索及之諦審爲唐開元新誠未署王良輔書石雖剝落字頗完好相傳州治爲唐德宗故行在迭經修葺堂基未改豈爾時卽置壁間耶千百年故物復播人間而月日乃恰與碑書適合蓋亦二月七日也旣

收入州乘亟命移置花廳與鑒別家共賞之權  
知州事山左周銘旂併識

案集古錄云唐開元之治盛矣元宗嘗自擇縣  
令一百六十三人賜以丁甯之戒其後天下爲  
縣者皆以新戒刻石今猶有存者余之所得著  
六世人皆忽不以爲貴也元宗自除內難遂致  
太平世徒以爲英豪之主然不知其興治之勤  
用心如此可謂爲政知本末矣然鮮克有終明  
智所不免惜哉新戒凡六其一河內其二虞城  
其三不知所得之處其四汜水其五穰其六舞

陽石墨鐫華云鄭樵金石畧有新誠碑二一王  
通篆一劉飛書趙明誠又有三紙歐公有六紙  
有正書有八分書者余所獲乃一王某行書碑  
雖泐甚然書法似深於聖教者鳳枝案通鑑唐  
紀開元二十四年二月甲寅宴新除縣令於朝  
堂作令長新戒一篇賜天下縣令當時刻石固  
甚夥也寶刻類編云劉飛所書令長新誠在鄧  
州宋鄧州治穰縣歐陽公所得穰縣一石卽寶  
刻類編所載之鄧州一石矣趙子函所得係王  
某行書并云書法似聖教序疑卽此石蓋書石



爲王良輔其姓恰合也寰宇訪碑錄云大荔縣  
有令長新誠韋堅書今未詳所在 漢書百官  
公卿表云縣令長皆秦官萬戶以上爲令減萬  
戶爲長隋唐時邑宰尚稱令長至宋人以某官  
知某縣令長之名遂隱今則但稱知縣考古今  
官制者所當知也

尊勝陀羅尼經幢

僧志遠等造正書有宗光賓等名  
乾元元年

未詳所在

寰宇訪碑錄云在乾州今未詳所在矣

金剛經殘幢

正書

存

陀羅尼殘幢

行書

存

大馬村經幢

正書

年月泐未有三聖院主僧經院主僧助  
緣鹽酢助緣口食等字

存

右均在乾州大馬村案鹽酢之酢卽今醋字古  
書中每謂味之酸者爲酢云

武功縣

唐

許公蘇瓌碑

張說撰銘盧藏用撰并八分書  
景雲元年十一月

存

全文見金石萃編

今在武功縣西十三里道旁田中鳳枝於同治

癸酉夏遊鳳翔親見此碑篆額云唐故司空文  
貞公蘇府君之碑碑云建碑于塋北十五里許  
公之墓尙在碑南以其地當孔道故建碑于此  
也太平寰宇記云關西道雍州武功縣蘇許公  
碑在縣西十里神道碑猶存

上柱國任令則碑

李邕文并行書  
開元十八年

存

全文見金石萃編補遺

碑畧云公諱令則字大猷本樂安博昌因居官  
今爲西

缺

又云御史大夫敖後漢司空隗魏吏

部尙書愷

缺

又云府君祖

皇朝

州司馬辯

府君考 皇朝資州司馬直太中盛又云授甯

王府親事典軍隨班例也 缺 又云遷公□□大

夫□州大都□□□專知□□靈關道遊奕

使 缺 又云開元十六年十一□□日寢疾終於

官舍春秋六十有二又云夫人吳興郡君謝氏

缺 又云開元十八年□月十八日合葬於武功

縣□□□禮也又云□王府□屬令方公之弟

也岷州刺史奉國公之□□又云嗣子神鼎府

左果毅武貞仲子左司禦司戈奉先次子兵部

常選黃季子左□□云云

此碑于嘉慶二十年七

於武功縣令偃師

段襄亭

嘉謨

訪得之移置縣學其碑陰爲宋人

大觀聖作碑北海碑版照四裔文字震耀一時  
集晉唐之大成開宋元之先路其佳處尤以縱  
筆勝縱橫如意姿態橫生令人把翫不厭惜傳  
世碑版如娑羅樹嶽麓寺記世半經後人重刻  
雲麾碑推拓日久筆畫漸細靈巖寺碑鋒穎亦  
鈍惟此碑存字無多而神采飛動著紙欲活實  
爲北海真迹吉光片石 勿寶諸 甯王名憲  
睿宗子後諡讓皇帝時鼎府新唐書地理志未

載疑亦雍州百三十一府之一百官志太子左  
右司禦率府司戈各二人從八品上

陳居士塔銘

正書  
無年月

逸

全文未見

石墨鐫華云武功人有耕而獲斷碑首題曰大  
唐潁川陳居士塔銘篆書下有數十字首云居  
士諱生字善慶正書俱有法焉按此石今久逸  
矣

永壽縣

唐

好時縣鎮陀羅尼幢并記

沙門國威述正書  
長慶四年甲辰

存

記見金石萃編補遺

光緒五年博山張竹西大令

培之

訪得此幢於

永壽縣東南鄉好畱里桃源村題云大唐京兆

府好時縣鎮爲國敬造尊勝陀羅尼幢一所題

名有右神策軍好時鎮遏兵馬使朝散郎檢校

太子右諭德兼殿中侍御史王從矩監軍使朝

議郎行內侍省內府局令員外置同正員上柱

國王文幹都虞候金紫光祿大夫檢校太子詹

事兼侍御史上柱國史惟旻又一行云朝議郎

權京兆府好時縣令飛騎尉鄴縣開國男蕭什  
等名案方輿紀要云唐武德二年分醴泉縣置  
好時縣屬雍州貞觀二十年改置上宜縣旋復  
曰好時貞元中以神策軍分屯近畿此爲好時  
鎮此幢題爲好時縣鎮與方輿紀要合又蔡漢  
好時縣屬右扶風史記陸賈傳所謂好時田地  
善可以家焉卽其地矣乾州志云州東十里有  
好時村卽漢縣城又洪氏亮吉乾隆府廳州縣  
志云上宜城在乾州西北案上宜卽唐之好時  
縣在乾州西北正當永壽東南此幢適出其處



所稱好時乃唐之好時非漢之好時矣宜辨之  
好畱之畱當係時字之譌附記于此 新唐書  
百官志東宮官屬左右春坊諭德各一人正四  
品下勳級三轉爲飛騎尉視從六品

贈司徒劉沔碑

韋博撰柳公權正書  
大中二年十一月

存

全文見金石萃編補遺

碑畧云公諱沔字子汪其先彭城人世爲將習  
孫吳兵法曾祖元銀青光祿大夫檢校太子賓  
客利州長史兼監察御史生王父鬻銀青光祿  
大夫檢校國子祭酒口口刺史兼侍御史 缺是

生皇考奉天定難功臣興元元從驃騎大將軍  
行左驍衛大將軍兼御史中丞上柱國東陽郡  
王食寶封口百戶贈左僕射廷珍公僕射之口

子也

缺

檢校左散騎常侍兼將軍知軍事大和

元年口月十七日遷太將軍依前知軍事缺詔

守本官移理振武缺其年九月十七日加戶部

尚書五年三月十六日檢校左僕射會昌二年

春三月廿二日以本官除河東節度使九月制

兼充招撫迴紇使加檢校司徒再加金紫光祿

大夫仍賜一子正員八品官移滑州節度使守

本宮會昌四年二月廿五日詔除河陽節度使  
又遷光祿大夫檢校司空鎮許昌除太子少保  
復除太子太保致仕又遷太子太傅以大中二  
年十一月七日薨疾薨於昇平里享年六十五  
天子悼痛輟朝二日公兩子長德章爲右神策  
軍押衙銀青光祿大夫檢校太子詹事前蔣王  
府長史兼侍御史口從周前左領軍衛將軍兼  
口口史云云

此碑今在永壽縣好畤溝一云在縣東南鄉好  
畤里雖文字斷續不全而神采奕奕可寶也劉

沔新舊唐書皆有傳碑中所載事蹟多與史合  
撰文之章博新唐書亦有傳博嘗爲沔從事故  
敘次特詳也 案此碑寶刻類編曾載其名此  
後金石諸書多未著錄至道光時復出於永壽  
由此觀之前人著錄碑刻無拓本者未必皆逸  
特晦而不彰耳如此碑及咸陽焦熒碑均載寶  
刻類編久已無傳越數百年而復顯于世雖物  
之隱見不常尤賴有心人勤于諮訪也 又扶  
風縣新志引劉志云縣東北柳公權書劉沔碑  
尙存今無考案扶風東北實爲永壽縣界此碑

當在其地惟扶風重修縣志未經訪得此碑故  
云無考也 蔣王名宗儉文宗子見十一宗諸  
子傳中 新唐書百官志武散階從一品曰驃  
騎大將軍戶部尙書一人正三品東宮官屬太  
子太師太子太傅太子太保各一人從一品

邠州

唐

僧神智造像記

正書  
長壽二年七月

存

中大夫行幽州司馬李承基造像記

正書  
長壽二年四月

存

全文均見金石萃編補遺

右造像二種均在邠州大佛寺

造像記中稱同  
爲應福寺焉

治時吳清卿學使訪得之

宣德郎行幽州司戶參軍事元思叡造像記

正書  
聖曆元

年四月

存

朝散郎行幽州司法參軍元口等造像記

正書

存

右與元思叡造像記同刻一石

幽州新平縣丞高叔夏造像記

正書  
聖曆元年四月

存

彭城縣主造像記

八分書  
長安二年七月

存

全文均見金石萃編補遺

右造像記四種均在邠州大佛寺光緒甲申灌  
縣彭古香大令詢訪得之

通議大夫行幽州司馬柱國漢川郡開國公隴西李  
齊妻彭城縣主武氏造像記沙門廣濟正書存

幽州司馬柱國漢川郡開國公造像殘碑入分書存  
全文見金石萃編補遺

右二石均在邠州大佛寺前一石吳清卿學使  
訪得後一石彭古香大令訪得以官爵考之係  
一人也故併列于此 新唐書百官志勳級十  
有一轉爲柱國視從二品

朝口郎行新平縣口口口造像殘字

正書

存

殘造像記

入書書

存

右二種殘字均見金石萃編補遺

心經殘刻

正書

存

右三種均在邠州大佛寺彭古香大令

洵

訪得

之新唐書地理志邠州之邠故作幽開元十三

年以字類幽改

鳳枝

案經典多作幽惟孟子作

邠說文邑部邠周太王國在右扶風美陽從邑

分聲

補巾切

又出幽篆云美陽亭卽幽也段氏疑

之詳見段氏說文注



姜嫄公劉新廟碑

高郢撰張誼正書  
貞元九年四月

存

全文見金石萃編銘詞全錄

何賢乎姜嫄曰克生后稷何賢乎后稷曰克降  
農殖后稷之道至今賴之姜嫄之德如何勿思  
何賢乎公劉曰肇宅幽土何口口幽土曰平戎  
之所乃今乃古有廟有宇宇亦既卑廂亦既摧  
闐闐朝合躡塵暮開蚩蚩羣毗屑屑徘徊瀆禮  
非敬犯神有災爾寤戾止理化咸集財豐眾和  
暴禁兵戢惟此牆屋公私必葺矧伊明祠風雨  
所及是度是築乃遷乃立奉我 皇德達於

有神揚

神之威靜乎虜塵亦惟正直克

贊忠純勒銘茲庭永示邑人

今在邠州城南本廟內蓋爲邠甯節度使朗甯王張獻甫重修新廟作也銘詞尤爲高古故備錄之柳柳州先友記高郢渤海人有文章規矩自立者不干貴幸以太常爲相罷居尙書郢于當時固能文者宜斯銘之佳也

應福寺西閣功德記

張居簡撰行書左行開成元年十一月

存

全文見金石萃編補遺

今在邠州大佛寺

三水縣

北周

賀屯植墓誌

正書  
保定四年

存

全文見古誌石華續編

誌畧云公諱植字永顯建昌郡人也其先侯姓漢司徒霸之後公膽氣出人才武絕世戰必有功陣無不捷平寶賊于小關克恆農于陝虢戮河橋之封豕摧沙苑之長蛇騁驍悍于洛陽効武勩於隋陸其餘功戰難得詳言厯位衛大將軍右光祿大夫太子中舍人河陽郡守稍遷使

持節驃騎大將軍開府儀同三司大都督義州  
諸軍事義州刺史司倉大夫肥城縣開國公食  
邑一千七百戶魏前二年十二月中 太祖文

皇帝以公忠孝累彰宜加旌異爰命史官賜姓  
賀屯氏春秋五十八以保定三年歲次癸未正  
月廿三日薨于坊 主上嗟悼贈賻有加以

保定四年歲次甲申四月己丑朔廿一日戊申  
葬于幽州三水縣棒川之良平原追贈公使持  
節驃騎大將軍開府儀同三司大都督光揚平  
三州諸軍事光州刺史肥城縣開國公諡曰斌

公禮也世子定遠次子定徽次子定高次子定國次子定周次子定貴

此誌今藏三水縣邑紳唐氏家楷字最小而極有古秀之致耐人尋翫秦植本姓侯氏北周書北史皆有傳誌中所敘戰功官爵多與史合惟傳言植爲宇文護所忌懼不免禍遂以憂卒誌中不言蓋諱之也又傳言植字仁幹誌作永顯傳言贈平州刺史謚曰節誌作光州刺史謚曰斌北史又作甯州刺史皆當從誌爲正又傳言植上谷人高祖恕魏北地郡守子孫因家於北

地之三水遂爲州郡冠族父欣泰州刺史奉義  
縣公而誌中既不詳其祖父之名又未言其移  
徙之故但云植爲建昌郡人與史迥異魏收地

形志涼州建昌郡治榆中

方輿紀要云漢榆中縣屬金城郡故城在

陝西蘭州西百里後魏時爲建昌郡治後周廢案後周已廢建昌郡而誌言植爲建昌郡人當舉舊貫言之也蘭州今升爲府治皋蘭縣爲甘肅省會陝甘總督之治所也 誌所謂

建昌郡未知卽其地否誌云平竇賊於小關方

輿紀要云潼關之左有谷謂之小關一曰禁谷

一曰禁坑蓋潼關之間道也西魏大統三年春

宇文泰破東魏將竇泰於此事見北周書文帝

紀誌又云劾武勳於隋陸隋爲隋州陸爲安陸  
皆蕭梁疆圉史言植從于謹平江陵誌中所言  
卽其事矣誌有序無銘未列諸子之名亦金石  
一例也 誌云葬于三水縣棒川鄉良平原新  
唐書地理志邠州有棒川府西安府有唐棒川  
府長史焦瑾墓誌方輿紀要云半川府在陝西  
三水縣北十五里然則此誌之棒川唐志之棒  
川方輿紀要之半川實一川也 植官司倉大  
夫見北周書本傳又誌中隨字作隋然則去是  
作隋不自隋朝始也

涪化縣

漢

漢并天下瓦

篆書

見涪化縣志

長生未央瓦

篆書

秦漢瓦當文字云此瓦出于涪化故林侗朱楓  
皆目爲甘泉宮瓦其信然歟

延年益壽瓦

篆書

秦漢瓦當文字云當是甘泉宮益壽觀瓦

長毋相忘瓦

篆書



秦漢瓦當文字云乾隆戊申六月得于涪化縣  
北鈎弋夫人雲陵

甘林瓦

篆書

秦漢瓦當文字云出涪化縣治北甘泉山

甘泉上林瓦

篆書

秦漢瓦當文字云出涪化

嬰桃轉舍瓦

篆書

秦漢瓦當文字云出涪化甘泉宮

長樂未央瓦

篆書中有一金字

秦漢瓦當文字云出涪化

上林儲胥瓦

篆書

見涇化縣志

揚雄長楊賦木擁槍壘以爲儲胥漢書揚雄傳  
蘇林注曰木擁柵其外又以竹槍累爲外儲也  
服虔曰儲胥猶言有餘也師古曰儲峙也胥須  
也以木擁槍及繫繩連結以爲儲胥言有儲畜  
以待所須也文選韋昭注曰儲胥蕃落之類案  
儲胥之處旣以木擁槍累爲之觀其制度疑似  
今行營糧臺以營寨軍幕爲儲峙軍需之所而  
此又有瓦當則儲胥之處又不僅以木柵爲之

也蓋行軍收獵則用木柵爲之如後世行營糧  
臺是也離宮別館則用房室爲之如後世坐省  
糧臺是也上林中宮觀最多故特立儲胥以備  
至尊巡幸供億也

長生未央瓦

篆書中作飛鳳形

均未詳所在

秦漢瓦當文字云出甘泉宮址

北周

王倫妻陳女婆造觀音像銘

正書九行

未詳所在

何文義造釋迦像銘

正書上有篆額

未詳所在

王懷忠等六人造像題名

正書

未詳所在

惠訥造玉彌勒像銘 正書四面減其二

未詳所在

全文均未見

右造像四種寰宇訪碑錄云在涪化縣今均未詳所在矣

唐

興國寺上座憲超塔銘 沙門元應撰并行書  
元和十三年十月

存

全文見金石萃編

寰宇訪碑錄云在涪化縣今在縣署末行題云  
金龜鄉臥龍里紀 案新唐書藝文志有元應  
大唐眾經音義二十五卷今名一切經音義其

書撰于貞觀時與此石撰文書石之元應固兩  
人也

梨園店陀羅尼經幢

行書  
大中五年六月

存

寰宇訪碑錄云在涪化縣

幢末題云大中五年歲次辛未六月壬寅朔三  
日甲辰梨園店爲敬聖文思和武光孝皇帝及  
文武百官眾施主造敬聖文思和武光孝皇帝  
大中二年羣臣所上尊號也敬聖新唐書宣宗  
紀作聖敬宜從石刻爲正 此幢書法遒勁似  
懷仁聖教序體筆勢飛舞令人把翫不置案

陰楊耕夫氏賓大瓢偶筆云唐人所刻尊勝陀

羅尼經幢是處皆有以五臺山大中五年所刻

爲最不知何人書前輩金石諸書多不載丁亥

冬十月忽有書賈持二紙來紙墨甚舊書類聖

教而瘦勁過之余謂賈曰尊勝石幢多八面則

拓本亦應八紙今缺其六君能求之則厚與若

直賈曰向也得之於錫山安氏家試往尋之數

日復來則得之矣是日爲之一快鳳枝案楊耕

夫氏所謂五臺山大中五年經幢卽此幢也楊

君不知此幢所在因序中有五臺山三字因題

爲五臺山經幢其實唐人所刻陀羅尼經同一  
序文皆有五臺山名號也又書籍碑帖離而復  
合最爲快事亡友山陰萬伯舒方煦同治時購  
得歐陽公文集二函尙少二函余亦購得二函  
余因二函中有集古錄全本故購之萬君又購  
得不全歐集數十本意欲爲補葺之計一日來  
寓談及此事因將歐集出示余所得者卽萬君  
所缺二函之原書也因歸之萬君萬君以續購  
歐集數十本贈余則集古錄固全本也此與楊  
君購石幢同亦一快事也 涪化縣志云朱史

地理志涪化四年升耀州梨園鎮爲涪化縣是  
今之涪化縣卽唐之梨園鎮矣縣志又云梨園  
鎮卽向之金龜鄉

靜難軍梨園鎮新修禪院建尊勝經幢銘記

趙珏撰  
正書

大順二年正月梨園鎮遇使王知進造

存

銘記見金石萃編補遺

今在涪化縣未經前人著錄光緒乙酉博山張

竹西大令

培之

訪得之題銜云

缺

光祿大夫檢

校左散騎常侍兼御史大夫上柱國李文敬又

云節度衙推充梨園鎮判官將仕郎

缺前  
缺參



軍兼監察御史趙珏撰又云安 聖宣義功臣

靜難軍節度衙前都知兵馬使充梨園鎮遏使

銀青光祿大夫檢校刑部尚書 缺 兼御史大夫

上柱國王知進左都押衙陸口頊右都押衙高

仲宣都虞候何敬柔靜難軍節度押衙充梨園

鎮副兵馬使銀青光祿大夫檢校右散騎常侍

榮王府司 缺 廂都虞候曹寔餘則諸僧題名也

新唐書方鎮表光啟元年邠寧節度賜號靜難

軍節度榮王名愐憲宗子咸通三年始王廣明

初拜司空見十一宗諸子傳此幢題名之曹寔

爲榮王府官屬所謂榮王卽榮王績矣通鑑唐紀昭宗乾甯二年十月戊子李克用將李罕之等克梨園三寨獲王行瑜子知進卽造幢之王知進矣行瑜身爲叛逆舉兵犯闕迫逐君上其子事佛求福卒之不免于禽愚哉乾甯二年距大順二年僅四年耳

長武縣

唐

幽州昭仁寺碑

朱子奢撰正書  
貞觀四年十月

存

全文見金石萃編

雍州金石記云在長武縣城東隅寶刻類編謂  
此碑爲虞世南書其說必有所本

關中金石文字存逸考卷九